

集部

欽定四庫全書

集部 東菜外集卷五

主事臣吕雲棟覆勘 總校官知縣 臣楊懋珩

詳校官庶古士臣龍廷槐

磨銀監生臣桑

校對官中書臣記

鏊

英

大三日年心的 古問知君司次五湖澗波曆琴髯游在壇少林之孫韵枯 題真覺僧房蘆 Strain action 一堂寄清經夢回軒槛非人間一 東菜外集 人意晚葉外於差明疊燉煩似江南 為清速思碧王寒中有漁父千 吕祖謙 撰

湖山近減江潮趣寂思頹垣仲蔚萬縱有秋風何處者 清晚霜鍾與客與餘聲知度幾稜層剛 屋角清渠瀬淺沙風斜雨重倒苍葭沙鷗不下投前浦 **木避世避人何用逐渭川謾復千畝多江上由來** 一難無禁起着清 為重來失禧花 見憑欄 再 賦真覺僧房蘆三首 两僧 消足

欽定四車全書 一 落身几按依書祭蘚若暗淡生古色中有少卿十斛力 土花蝕盡終蒙青千年遺恨令未平雕鞍過盡不回首 從漢至今無大黃婦就兒嬉固其職長平箭頭豪士憐 邊庭無竹可續箭斷紅已作塞上塵零落銅牙時一見 眼吞單于方發機南風不競羽倒飛血視空拳尚思戰 意氣欲壓天山推朔風慘慘隨旗尾角聲滿天日色死 甘泉宫中烽火催武庫製銀股春雷山西都尉部干弩 漢銅弩機歌 東京外集

横林宿鳥自分枝開張漁父胷中趣漏泄縣人句外悲 何必一 **踩球展齒印平堤露看鳥紗客未知別浦歸舟爭占岸** 會與清溪約長夏風簾水簞谷漣漪 機雖缺神凛然想成風沙射鵰天徑欲匹馬南山邊 壁折戟傳青篇古來慷慨共如此脫畧形器求天全 一臂三十卷 晚步溪上 日

堂下梧桐樹清陰欲滿簾風前數葉落枝外幾山添世 故真難犯幽棲不用占新凉入書幌好在鄴侯籤 飲定四車全書 | 白風煙慘旗丹霧雨愁從來桑梓接助輓不成謳 鉛軟青燈夜韜鈴紫塞秋請纓雖拜疏投筆未封侯悼 沐疎螢濕風梳細草長與移無定在隨月轉胡床 晚市收聲盡虚堂一味凉炎蒸渠酷吏問靜我羲皇露 夏夜 應春坊輓章 東東外集

盖水圓荷先後生歸夢每煩春鳥喚故林可恐晓猿驚 幾曲江村雨外明釣磯漁屋入新晴祭天喬木淺深緑 幽軒返照可憲明政用高談谷晚晴共聽銅瓶秋雨急 功成共祖東門道不員溪山舊主盟 聞道烏衣盛文史私愁異姓後宗盟 不知石鼎曉雲生清詩未讀心先醉别日無多夢己 次前韻答石秀才 和虞仲逸初夏懷黃巖村居

黃金重諸儒白首鮮同聲不同調嘆息伯牙紋 意窺園外收功刻楮邊幽光回蠹簡新意出陳編上 横山吳君珉治别室之西偏榜以佚老休工歸役斤斧 歲月去如矢横經徒慨然誰能通一藝真不負三年用 京樣籌等掛壁萬貨四凑此吾主人翁所以佚其老也 收聲輯杖立於前樂聞竊語於階者曰暴壠絕畦城栗 とこうし 横山吳君佚老庵記 **劾進士作三年通一經** 克起小其 相

鷺不驚風月相答此吾豪長者所以佚其老也又進至 於郊間聚語於聖者曰培嗣以學既椒既男秩壺以禮 喧君雖善自供踰關以往有顏腹枵者踵相接歲或不 滴塾得吾醇出浸遠而説浸近吾名吾室義其完於此 道之于曰夫三者之言何如吳君曰階得吾粕塗得吾 少進至於門間行語於塗者曰豐林還字尊祖静嘉鷗 白グロ 乎予日未既也畏崎登與身閉心慄厭市築壩目靜耳 既序既的此吾鄉丈人所以佚其老也他日英君為予 1.1

僕生而底滞少長嗜學失其指益以自愚坐一室頹然 鄉則盡横山表裏皆君佚老庵也其視尺樣半席廣狹 移日足欲跨户限若有繁而留之者郡邑教條風土誤 壁間以為券 何若吳君謝曰厚矣子之拓吾境也顧童奴陷其說於 中望也盡勸相族黨恪勞振乏已責舒通同其供於是 升匹齊困憊呻吟交於大達專一室之供樂乎哉君里 送張孟遠序

毒之狀其疾謁諸人方屢試竟不售有自衛來者說以 論議明為閉達舌端河漢一 吾鄉有你男子横屬超軼絕出無輩是殆能廖子之疾 誦隨聽隨忘謾不省何等語諸公長者歲時聚會或賜 金少四月五書 從之遊既春糧矣而孟遠在門予益喜過望與之上下 徐舉其爵繁乃吾同年友張孟遠也予聞自喜銳欲往 餘憑顧視左右頡頏作氣長飲大吸目眩心悸處處不 再行輔自脫歸里中豪浸羞與予伍雖予亦 卷五 落千里未改旬自視智中

告行引紙操筆將以酬孟遠之勤府藏單竭豪征縷飲 随者寬室者 通被者廣向之瓶罌令浸化而為**斃益矣** 其友曰何以餞我其友曰吾終歲發不滿子一飯費前 卒不得一語意慚甚容從旁解之日子不聞陶朱公之 向之沼沚今浸化而為澗溪矣方幸其若是也孟遠遽 仰視者也子不能捐萬斛之升斗以起吾病反於我乎 馬後乘劒佩鍋鳴供子指呼役者乃吾疇昔震桌不敢 語乎陶朱公之友以窶聞於楚陶朱公往過之欲别謂 東京小集

金グセたろ 前日之痼疾而不敢蔽則異時環倉華而第百樂庸知 儉汝之懾在吾則為恭貧之病富之樂也敬再拜受賜 索忍人哉陶朱公曰是所以賜我也汝之陋在吾則為 子與陶朱公競當雖市人亦揶揄之儻函自吐實盡發 以孟遠之贍於學而道今古角詞章於其前是猶宴人 先夫人姓方氏尚書駕部員外郎諱楷之曾孫朝散郎 不獲附於下中之品乎子又奚慚僕曰唯 方夫人誌

之沒夫人尚幼服勤外王母左右母子相恃為命蓋生 享年四十有八吕氏自東萊公而下皆葬婺州武義縣 人孔氏之女我先君從事郎吕公請某之配也外王父 尚書屯田負外郎部蒙之孫朝散郎知建州諦元矩安 ここうこうこう 司户祭軍未及禄養以淳熙二年十一月十五日不起 年然後伯姊始出適迪功郎曾非祖平亦始得臨安府 姊五歳祖平財四歳夫人提攜鞠育更歷艱苦十有八 三十有一年而歸於先君又十一年先君即世是時伯 東京小孩

域之旁至於夫人志節履行之懿則俟他日詳馬 義烏王君瓘之夫人同縣傅氏女也縣之第氏族者譜 金グロをといる 王為右姓族黨根據連都邑夫人來歸小大無違言姑 事亟以次年二月二十日奉夫人之喪葬於東萊公兆 源不肖孤哀荒顛寅未充合科恐旦暮即死不能終大 明招山惟我先祖暨先君兆域别在信州上饒縣之德 余夫人律閩內甚嚴諸婦屏氣側足候何顏色少當其 王自得祖母傅氏墓誌銘

虜者率命官媧戚或說王君無後時夫人尸之曰君居 淳熙六年十二月初二日始克葬於鄉之萬麓原青口 兵間斬以屏蔽間井非利之也即拜爵其誰明吾心王 議長皆相顧不敢而屬之王君官軍臨境里中豪効首 意者獨夫人事之順馬幇源之亂民十百相保聚捍賊 秩蓋年七十有五以乾道二年十二月十六日終於寢 君慨然亟謝罷説者兵解佐王君綜理其家者具有條 ここり ここうこう 里二子長安詩将仕郎次安遠三女長適俞持國次胡 東東外集

在室曾孫男十二自得久從予遊實來謁銘銘曰 講舊遊於奉從蚤接茵憑圖嘉耦於諸孫肇修幣聘載 國子免解進士何場曰迪功郎信州上饒縣尉錢逃餘 牧自求婿其女孫者曰宣教郎鄂州州學教授俞麟 延次鄉貢進士周憲孫男女十男曰自昭自强自得自 蠲吉旦用展多儀某人官學載初及兹授室伏承某: 吁嗟夫人蹈桑則兮百世之下安比室兮 為韓尚書作通王氏定婚啓

惡之心正尊尊半早之分道之將廢閉於王氏之設淫 登懼集竈初幸喻望始玉惟夫子志在春秋推善善惡 奏凱書林願效范文之後入策熟詞壘濫從東郭之先 則舊 水幸将拖於慶源二姓之合於禮為嘉五兩之陳其儀 帝有所與表以光堯之尊信一洗氛埃之蔽再還日月 為洪無競作謝發解於 東較小原

·他容称劲協此宜家奕奕梁山顧自慙於樂土湯湯淮

懷外楚之憂忽有進吳之喜反思同業歷數四封辱在 求為非其人不在此位如其者降材謭薄涉道嗣棠業 之明世變風移家傳人誦克對盛時之會允許公選之 猶失閏之廢忘識類闕文之好繆衛多君子瞻暖軌以 雄霸斯文奉明韶以登賢簡然髦而報國深嘉曲獎字 有甚於積薪恩實歸於推較此蓋伏遇其官主盟公道 泥塗絲縣久遺於舊老不窺園圃廣川尚滯於鴻儒慙 **屢驚曹無大夫顧寒門而自絕凌兢逐隊黾勉終篇方**

金人也因為言

品題其謹當懲戒振幹幸嚴元始敢言得傷之易當念 所裁 正學於大庭若作為雅抱遺經於窮巷過此以往未知 措辭之艱惟升點之兩端本東西之對設儻如麟獲誦 瑜華 衰之祭博采 其收筆或 裂總之誤遂容孱瑣亦預 日麗宮槐袍如立鵠霜清圍棘字若棲鴟書雖天府之 新心實衡門之舊歲臨大比詔舉儒生電掣星馳走姓 į 為吳友聞作謝發解啓 見色十長 t

成此一時之縣溢靖循其本初無足誇物往貨來豈市 名於四境波翻雷動沸謡頌於九衛奪於外物之光祭 廛之異事春耕秋穫非畎 弘之奇功得之者既無矜容 之能耕未獨而先眩積倉之富苟有識者豈至是哉如 於弱水遐瞻仕路重九譯於越裳物未售而預伐懋遷 盖亦農商之比別兹里選甫預計偕前阨春官限三山 觀之者亦無羨色以儒獻藝以藝中程是維欽槧之常 **基者綿力薄才淺聞末學黾勉詞場之獻凌兢貢籍之**

金月中月月十

成兹盖伏遇其官樂育英髦推揚善類參天杞柳悉由 愈人方愧懼以靡客何萬浮之敢起日處顏路仰負作 登退視同儕袖手率多於勝己進當堅敵者鞭敢望於 原用含行藏付窮通於正命 榆某敢不佩服深知率循古訓始終本末專探討於大 封殖之勤巢閣鸞凰俱出網羅之獲豈容孱陋亦預選 竊惟陛下側席圖治視民如傷去歲江湖數十州年 為人作論早割子 見我小其

望一日今麥既登場歲事有望陛下宵旰之憂亦可以 不用其極自秋而冬自冬而春自春而夏哺養鞠育日 金月四月日書 者矣亦有隱情匿實言其不足處者矣陛下明見萬里 闕庭之議妄自揣度去歲數十州旱荒之初關說陛下 干鉄鉞之誅而冒言之缺賤小臣服役州縣不得與聞 不順成憂郵之韶蠲復之令賑給之科丁寧懇惻無所 之前者意其必有兩端馬固有大聲疾呼言其深可處 少寬矣臣既竊為陛下今日賀復私為陛下他日應敢

彼大聲疾呼者皆增加長大其事以干譽要名耳是官 言艱食必不甚流移必不多盗賊必不作今前言皆驗 向言早荒不足慮者見令歲之無事遂進說曰曩固害 钦定四年在写 一 弗以不足處者自寬而以深可處者自做彰顏經理變 治體所繁甚大請以臣身履目見者析之去歲旱荒之 明必無敢進是說者臣私憂過計或萬分一有之則於 **旰之勤殆為徒勞而帑廪之發殆為虚費也以陛下之** 饑為穰此陛下灼知民瘼審於取舎之大驗也臣竊恐 東東外集

聲疾呼者亦恐重陛下之憂困厄危迫之狀鐫裁減削 格天心尊迎善氣又有非羣下所得而與者矣使不如 邦觀之則猶恨其有所未盡也其所以度兹艱歲安帖 十僅能達其三四耳自朝廷觀之則似過甚自旱荒之 此之勞豪右傾倒困栗如此之衆而陛下寅恭祗畏的 無虞者蓋朝廷周邮係畫如此之詳官吏奔走率職如 初凛凛岌岌人不自保焦熬焚灼可駭可愕雖號為大 則親食流移盗賊之憂豈止如始之所陳而已哉論

成益知疾苦上間果有益憂勤兢業果有效天人感格 者苟徒見今歲之無事逐謂向來初不足慮是猶疾愈 果不誣充是心而擴之天下之事臣知其無難矣惟陛 後復有疾可不為寒心耶此臣所以竭千慮之愚而冒 之人忘其針熨砭治之囏難反疑疾疹本不能傷生如 たいり Mind 進其說也臣願陛下清聞之燕深加紬繹因荒政之告 下宥其愚而采其誠 過九江贈同合陳伯秀遊三山林少類先生之 東菜外集

屈指半轗軻官居岸平湖波濤日春簸飽看五老面此 疎闊歲月悉箭舒風吹礬口帆雨繁潯陽於 三百丈編數不及我咫尺判飛沈鵬轉笑高墮風塵雨 尉旌旗穿紫邏相逢話舊游撥置朱墨彩關 升大宗伯道阻山砐硪淡墨濕棲鴟天開棘圍鎖高張 異時夫子門論交心獨可晨愈並几案莫察共燈火同 計殊未左山房舊間名欲往輔不果須君發其藏萬 卷五 手忘寒温 閱 尚

伏遇皇帝陛下覆物以仁取臣以禮修宣王之考收庶 蕃食志食功迄兩無於稱塞退而自揆莫知所酬此蓋 問初度於嗎人尚記攝提之次傳温言於詔使有來膏 たいかい たい 每於載育之辰愧此多儀之錫繼栗繼內雖屢省於便 遲勲業無成惜流年之尺壁劬勞莫報慨厚廪之千鍾 飫之頒雖曰常暴實惟渥澤伏念臣久膺該屬浸迫衰 為虞丞相謝生日賜生饒表 東東外原

物既審體義易之養賢舊章用舉光華異數酱節始生 惟令含哺之民共均君賜 臣敢不追繹教忠益有移孝無復遺羹之地永負親恩 領矩步儼然出與郡邑之士齒蓋將繼此益進而熏沐 **冢過其父老或旬月忘返稍稍遣子弟從予游未幾方** 田弘而畏官府散嬉侈麗之習獨不入其鄉予歲時上 明招婺之名山予家三世葬馬覓山之民氣俗敦慇樂 徐君墓誌銘

金ケノマーた ノコード

也君諱宗盛字德元以愿樸稱於里問淳熙元年五月 十五日卒享年三十有八明年十二月五日葬於鄉之 之則於其親之喪丞問丞吊而又為之銘有所不得已 外觀日勝中實日銷則豈父兄所以屬子之意哉遂并 書於君之擴以識其初銘曰 充養於古之學者或庶幾馬苟自厭其質而文華是耆 銘文弊甚矣幸是鄉質之未彫也申之孝弟之義引翼 下車塘君無恙時質命其子一變來請業及是復來請

		父金
東		笛子
東萊外集卷五		播会
卷		将北
		其
		父留子播兮将求其實道阻且脩兮無辱斯石金好四月全書 墨
		且
		今
		唇
		石
\L		

問王者事父孝故事天明事母順故事地察父天母地 欽定四庫全書 管有輕重然稽之舜典受命甫始肆類于上帝而地則 方澤之制為壁黄珠之為義匹體釣載於禮書者初未 肇舉郊祀之大典此聖人所以通天地而無間也園丘 不預馬雖日望于山川山川者地之别而非其統也武 東菜外集卷六 策問 吕祖讌 撰

之二時其分其合抑將何所折衷也國朝南北郊之議 **趙所謂郊立者哉昊天有成命周頌也大司樂周官也** 王底商之罪首指其郊社不修不過以郊對社而已惡 本參經撫傳思考前代因革廢置之所縣詳著于篇 郎博士之責亦為學者所當共討論也盍深釋郊祀之 名儒碩學选相論辯溢於編簡近未能定於一此固議 頌並言郊祀天地而大司樂則異之以冬日至夏日至 問文之時用大矣哉觀乎天文以察乎時變觀乎人文

多员匹库全書 美六

縱弛至自以不護細行自居嗚呼文與行果兩物而文 之所以為文既於是數記曰文王之所以為文也純亦 以化成天下所謂文者殆非繪章彫句者之為也子以 所取正耶後世以文士名者一觴一詠互相標榜傲 有餘刀則以學文則行先文後參兩說而並峙抑將 四教文行忠信冠文於四教之首而行則次馬至於行 問兵不從中御將不可數易予其權而久其任固守邊 不已學者盍深釋之 誕 何

之本務也疆場之司安危繁馬東以微文迫以峻法朝 多定匹庫全書 長而騁其材哉廼者朝論以兩淮障塞際敵建久任守 除暮易炊未及熟又挈挈而之他雖有雋禁何自見其 於襄陽成內之於荆南張全義之於西洛咸以委專任 将之畫授之以柄饒之以財解縱繩墨一聽其所為是 能盡負個外之寄其可不豫思所以處之哉廼者鎮撫 久變彫荒為富盛得人如數子者固善矣如萬有一不 雖藝祖之邊政固可匹休儷美而無憾也昔羊枯之

說者疑其有優劣之辨衛青霍去病同為漢將而青之 諡曰烈去病之諡曰景威一詳一略說者疑其有厚薄 參同為漢相而何之諡曰文忠參之諡曰懿一多一寡 者也願詳言之以佐帷幄之餘論 有周一代羣臣之上固非墨客縣人之所敢議蕭何曹 窮之勸也旦以文名奭以康名閔天以尊顯揭日月於 問先王諡以尊名節以壹惠所以表天下之善而示無 東能小妻

使之或拜亟罷其本末首尾皆人耳目所接尚可覆按

思封疆之行廼者中與以來将相有熟勞于王室者易 名之典或未克舉責之美稱以發潛德之幽光光寵媳 公也主上既簪履之遺而念機軸之舊聽鼓擊之聲而 之追崇將相其處同功一體之人所以每難其一心之 正武之盜雖無詳略未必不寓厚簿於其間自古人君 多寡未必不寓隆殺於其問英衛並以武功顯而景武 之殊不知當時之君其意果有輕重乎抑無意於抑揚 而偶自爾也房魏並以賢佐稱而文昭文正之盜雖無 卷六

金少以母母書

燿固非止如太常之紀大烝之享景鍾之勒而已也願 歷考古今將相之盛 烈歷代褒飾之榮觀臨法六家之 **其同曲臺諸儒之予奪博考徧述以占聖意之所在**

				 多分四母全書
				卷六
				 -

者力不足耳程易繕寫今幾何年兄千萬少留主盟侯 膳時乃來今遂不能爾也剪幾道為人自平實但所此曹終日在外點投遇兩節幾道為人自平實但所 辰入未歸以身率之而已亦不行照齊不到之罰在學 **某到嚴已兩旬郡庠亦漸成次序規矩皆無所更改但** 其寫畢乃為此來不然恐遂散漫不舉也 てこうこう ことう 人樂從者十之八止有八九人教市學者煩相妨時 尺牘 荅潘叔度 見戶十五 病

其官次粗安無足言者張守議論甚平正且虚心從善 龜齡為未至此一段話最可取世人每以論的生知言 在今士大夫中殊不易得也如極稱重劉賓之而以王 張守聞年兄誠篤甚願見他時到此見之似無害易傳 金ガセ屋白書 刊板更望留意 恐於同僚形迹已再三想之更俟一兩日當力言之也 見處極髙而文理密察之功頗有所未到論朱元晦閱 亦未以為然者其他長處亦甚多但相待獨厚

一刊書闕 其官次粗安無足言者程易既下手則畢工會當有期 者加之歲月須晷可觀也 緒尤幸权昌得暇能偕行否郡庠漸就緒亦無撓規矩 林燕之以繳新端除目遷工侍次第須決去就此舉過 之遲然若得勉留三四日過至節乃行得此書粗有端 因見點對諸公告時勉厲之不惜前勞則無後候不特 也下訪之期未有日否雖夢寐誨約恨挐音

某杜門久不聞問日深馳系病體已成廢痼不復可料 得同之也外祖像上納偶南安便行甚遽客此承問 任連耳 時事變更疑畏者頗衆然有心於避禍終不若無心於 之益耳朱文許春間偕為温台之游甚恨尊兄在遠不 某屏居却掃幸無他撓讀書亦不廢常課但終欠講論 舒定四庫全書 江後未有也平昔保任此老果不員所期可喜明日來 與劉衡州子澄 **S**

義加重 **曾成行否講論想甚樂病中只有仰羨爾參預處聞每** 人人所知但一番控解酬應於甚匆匆作此他惟為首 無誠篤厚重氣象未必能動人也偶除故官其不可出 效忠告甚善或云其間多雜以嘲熊雖意在諷切然便 折祭文録去所欲言者盡在是矣聞朱丈往相招不知 てこうし こう 理但靜養順聽為况却安適也荆州之計念之至今心 與李侍即在文

觀偶未汰斥經年陪侍該席所以受予教督周淡隆治 安稳否念念發然動心所恨微官東縛不得身護行李 想不至落泊也連日風雨舟行計亦齟齬不知寢食亦 為度歲計文潛既到凡百當能調護况舊治種種人情 雨恭惟舟御所次神人具依台候動止萬福某冗食東 其津亭請違又復改月惟惟己不勝瞻仰即日初冬凍 忽忽如有所亡也武陵合符猶在來春莫若小渴鄂渚 一旦驟遠函丈頓覺孤跡究然無依雖强顏官次意緒

金グロスと言

1

之久今行李既遂按堵亦可少就休惕也遠方人士亦 某官次确造但塊處索居所懷個塞無與舒寫點點隨 為斯文崇養以侯陽復泰亨之寵 有可與語者否史事諸志自冬春來雖各粗成編沓然 不輕也開府之始酬酢經理想亦小勞區畫飄飄江渚 雖目前文牘極清簡然稍有討論便繁典禮責該政自 **摩寝就頹死日積愧靦比復同舍例攝省户偶占禮曹** 味馳鄉而已便介亟行匆匆附起居向寒惟祈厚 July 7 729 7.55

首尾不完節目斷絕殊未有次序令期限在冬末已是 各分子門其前三十卷謂之通釋乃印本所有後十卷 本近方得之比館中本闕十卷盖此書本名說文緊傳 第三次展不免趣辦第恐抵牾處多耳徐錯通釋紹與 金灯四四百十 猶未到當更趣之幾得即尋便轉致次仲信祠禄文字 編年謹納上唯伯祖履歷及其他文字界往家叔處取 字極多若得暇以說文參校義理亦可推尋也潘義祭 各别有名乃印本所無今謹抄録送去但此本蠹蝕闕 卷六

前善類或去或病悒悒殊鮮况也武陵民淳事簡公退 陳能之入史院一日即得眩瞀之疾迨今未平大抵目 周文自春來請去之章已四上李壽翁亦以病告經月 聞尚留蜀中莫非久還侍旁否近事邸報中可得大略 想多閒暇長編莫曾下手再整頓否遠地士子固難得 亦有可與語者否建茶三十考證助午啜敢幸笑留所 諭長編乍到固知多事今條教既定莫漸可整頓否雖

前此與傅景仁同將上獨見却執須更待必時耳季修

紓雖猶追勉於此寡親少徒殊鮮味也競舟許時改處 其官次粗安無足言者但自違函丈胸懷偏塞無所發 遠方難得人商權然服日極難得似不可放過也 之議蓋未為失策也地理志以其方出殿慎矣假滿當 飲食豈能一一安適俯領郡寄固亦必阻歸與但進退 丈共議修入却續拜票次通釋比從姚倉求本會其行 詳閱討論當已無遺恨茍猶有合增補處即一面與問 逶迤上可以見君子體國之意下可以杜塞不見察者 卷六

銀灯四月分書

尋得全本但有脱方字處極多當併錄呈次舍人伯祖 集耳史事猶有五六志全未有涯勢須展限人情易得 者率在高等蜀士亦有数卷甚奇但慎中不敢錄本耳 中益覺索冥耳陛解所論甚則切良可敬也廷對謹論 因循殊未可期也鄭景望出守宛陵於養親極便但館 履歷以家叔自南安歸有失子之戚侯其悲傷少定當 部猶未送到當更趣之所闕卷數比因館中修書目却 可得也潘義榮文字亦當更趣潘監鹽政恐未必曾祭

武陵民淳事簡黃堂必甚優游長編既已斷手莫若及 遠未必能明今日去取之意使干載有遺恨良可惜也 此暇時參訂修潤整頓凡例判削枝葉兩存者折衷歸 其官况碌碌粗遣日來史限迫趣率常宿館中好錯毛 欲布陳者何限要非無量能究鄉風不勝慘惓 異時復還禁近筆削之上便不能專此似不可失耳所 起猶未見大功諸甚恨函丈在遠不得一一質正也武 一是遂為完書若抵廣記備言以待後人恐年祀浸

金牙四月至書

卷六

其官次竊禄凡百鄉遣史課雖粗不廢第同舎選易不 常猝未就緒北扉雖有其志而力不足每相與浩歎共 夫帥荆南不知已到官未同在一路凡事可相應接亦 沒於瘴氣相自傷劉樞亦復不起善類甚惜之也張欽 陵民淳事省當可卧治亦有佳士可共語否襲參父子 欠こりうことう 外除諸公莫為言者近得渠書只欲求祠也 留如何劉文潛在桂為况何似亦時相聞否劉子登己 非小補也陳丞相有奏事之命猶解免又未知到闕去 東京外係

解南康已有不許解免便道之官指揮不知竟肯起否 文參釋恐猶可補也張欽夫不知已到荆南否朱元晦 密弟恨阻遠不得陪侍筆削爾李摩玉詩謹抄錄拜呈 劉子澄已從吉此間媚嫉者頗衆執不過得一倅又未 爛每行滅去數字故尤難讀若得精小學者以許氏說 餘金併往向來說文繁傳非特校對草草政以元本斷 思去歲合堂同席之樂也聞復刊緝長編條例當益嚴

某歲晚忽感未疾重為醫者所誤既投熱劑又復吐利 微有齟齬雖未得其詳某竊謂邊防經理雖不可緩要 編謝上祭曲折當以問朱元晦得報即拜禀近聞辰守 耳同舍去來不定故難見功也黨籍本末想類次已成 仍舊買之為善也 須中外相應乃可及盡苟或未然不若姑隨時蒐補因 疾證遂頓危始亟更醫易樂幸而所用樂漸見効此 史事諸志近略見涯緒但職官選舉一兩志未就係理 瓦京十八

去善類朝夕以其宣室之與思也 海奏篇異數便務一時紛紛蓋因忽激而展轉至此病 故不敢緩也恐或欲知契支祠請既不遂正人未遽遠 中唯靜審以處之而已其始亦未欲以聞蓋累有宣諭 而留滯許時殊覺不安更稍可强勉即買舟東歸矣文 有異於常時但病體疲於不堪少有衝冒雖蒙思補外 月來手足間皆能自如但微有弱處精神言語則不甚 垂前夏小正及謝顯道出處暨檢元祐軍防篇病中未 金少に四百書

靈寶之喻讀之妹然凡讀易者要當深知此觀象之妙 **某掩闗幸無他惱但立秋後以酷熱繙閱亦稍廢耳桓 其同亦非我所可計耳令嗣皆已别拜書** 能及此辰守回避之説亦以臥病無自而聞知然人之 意揣摩億則屢中斷之則其懸解於抄忽毫芒之表者 然乎其後彼固非屈意於克已者果何說耶若便以私 非克盡已私者不能與然自昔英豪於事幾之際反瞠 とこういしい 與陳同父 東萊外集

揣摩之 衰此一 若陳言要是不可易耳策問誠有味其言反覆展玩 與時偕行多迎隨附益之病未知其所自則隨血氣盛 其所以迎刃破竹者何莫非此理但矜為已有則不能 故於書法詳略不能措議祇見文氣之陳宕高勝而己 能去手諸生有能領此意者否讀裴度處尤慨然三嘆)章侍郎行狀已闕 一歲殆不足以當其心也蓋天姿之高得氣之清 段精明不能常保論至於是則所謂克己者雖 弟恨平生未嘗接其言論風旨

也 政事云云論處丞相能去之時祭知政事錢端禮以肺 論戚方仍舊管軍公慨然曰是不足問矣即上言祭知 腑與政至允文去而端禮之議亦寝末云因嘆世之量 其間如論鄂州財賦云公戚馬若不自得人亦莫解也 之遠也長夏溽暑伏惟尊侯動止萬福其館下粗遣自 專价伏奉誨示引紙疾讀恍如握手不知相去數百里 者甚淺不足據此數係皆是尤妙處亦是合斟酌處 東於外集

金片四母全書 是康耗康稍每自愧恐耳時事非唯未易插手職守各 之百圍之木近在道隅不收為明堂清廟之用此自將 平生非子子拘小該者尚有善意其敢不及接而疏遵 有攸司又兀然無上下之交若欲强聒則尚口乃窮矣 之此蓋兄之所深悉也諭及近况之詳慨然浩歎者久 入夏來以史限督趣平明超局日落乃還舍人事酶於 作大匠之責耳如彼木者生意濯濯未嘗不自若也井 一筆勾斷終日在書册堆中與往在明招況味無異只 T

冀益加寬裕從容自願以慰見慕之徒之心幸甚廷對 書極無况力請出廣遂有鄂漕之命亦且得歸也劉茂 膽本傳播政如來諭所慮也居厚正則景明道夫已一 渫不食為我心惻蓋非井文之盛而兄以此自處乎惟 實固賢者但舉削一事從前不曾破戒然既蒙再三之 山林草茅之論自應有少斟酌者後來亦深勉諸人勿 且歸俟闕期近來請祠亦必可得也張欽夫近喪子得 たこううこう 道來意矣益恭諸公方且調護未知能回否不然則 東維外集

輸供見李壽翁如其語及亦當贊助也 貼鳳團一斤漫為山中之信其他正則自能詳道 **扶館中碌碌粗遣但豪髮無補露耗太倉積愧如山耳** 居厚往見必已前到今正則又赴約握手劇談亦是快 分りとんと言 姓而慰頗似有味畎澮之水涓涓安流初何足言唯 偶記首子論儒者進退處有一句云不用則退編百 官所縛不能追逐上下其間殊憔然也清馥香 一岐九河抑怒濤而為伏槽循岸乃可貴可重耳

繼引去之後又關钦成羣隊只得處坐靜待而已天民 調伏得性氣一段然後養生處世亦少齟齬不然憂未 望者甚休甚休居厚一病聞甚殆知己平復但渠須是 問舍計耳三改一誌展玩嘆賞不已然議論斷絕之久 君舉於私計極便但恐天民規摹散漫未必能為求田 其官次粗遣但朋游散落益復鮮况適當天民君舉相 領解者必少也知安居定志日就平實此政機機所系 艾也正則爱居後曽得消息否 とこういとこ 東彰外集

其碌碌如昨無足云者示喻敢不敬領但太倉一粟或 日已畢的氏姻事祭酒夫人自送來感念睛昔不勝慨 髙和寡耳漕臺却盡如人意王道父尤濟事也此月二 得失想自見慣然諸公却自無心非向者之比柢是唱 **某碌碌官况粗遣無足云者秋成田間必多樂事試闡** 自生瘡病也 出或處豈能有所關緊但自當靖共守位固不敢無事 金グとんる言 然儒家清貧次第須可共淡泊也試闡得失本無足論

吾兄者亦可一笑也歲事既畢田間必有住况亦時有 著述否書院中亦有一兩士子伴否李壽翁升從班差 某只今病狀除手足萎與外其他頑健略如平時看書 强人意但又减李仁甫殊可惜耳鄭丈移過宗寺君舉 但深察得考官却是無意其間猶有誤認監題卷子為 蹤跡遂安矣 未能男從然亦漸就減少也永嘉之行未便登途否比 以舊難除終是有過當處凡見愛者無不痛口鐫戒雖 元代十二

來教叫屈之說合與正則發緘可共發一笑也張荆州 為得正則一書而人不來取今以拜納書中數語偶與 承旦夕見過數日以望四經說千萬携行痼廢沈滯政 朋友旦夕之望 人也居厚無他苦否五月間聯騎相過甚幸病中尤思 檢整頓處甚多至於不自是不尚同則相識中未見兩 不起此自有所關緊豈獨游從之痛哉使其不死合點 賴此以醒之耳小輩作撓似不足介意顏子犯而不校

金気で厚全書

幸深留意鄙諺云赤梢鯉魚就產冤裹浸殺陳拾遺一 病中畏寫字如虎縷縷至此意亦可念也 代詞宗只被射洪縣令斷送了事變大小豈有定所哉 為三國紀年終馬不知魏書與紀年是一書為復是兩 書吳蜀合而附之魏書又云魏終不足以正天下於是 得其一二但大網體製猶有未曉處序云魏於是乎有 淮陰侯倪出胯下兩係路徑雖不同這一般都欠不得 三國紀年序引及諸對累日已詳看用意高深處亦或

深味詞意子奪甚有味伐吳謂中國無幾息有亦未協者也魏武贊述來您甚當事明語未晚 魏文帝兩贊 書觀三國諸君贊却似遷固史法每君為紀而系贊於 三國為一者所謂魏武以下諸對必不可系於此既並 後者而三國紀年冠以甲子而並列魏蜀吳則又似合 年之外復叙每君之本未而系以贊邪此皆未曉之大 每君為贊必知不系於此後不知系於何處豈三國紀國之年必是通書三國事今不知系於何處豈三國的 昭烈對論其君臣反復於天意人事之際所謂妙體本

多 5 四庫全書

赞亦然都意竊謂吳四對尤其能盡其規摹之所止殆 替論漢末守文之弊及啟桓王之翱翔甚妙甚妙下三 承之非高祖時比也後主蓋亦甚庸所以安之不疑者 心但費詩之議却似不達時變漢統既絕昭烈安得不 但不若後主贊所謂天命果可畏辭嚴而義正也武烈 如此篇末王者之作天猶以為未疏哉感慨之意甚長 漢侍中中書令尚書令皆宦者為之考之漢書亦不皆 乃諸葛公工夫耳武侯赞論以國政歸丞相甚善但謂

其所未至雖高明之姿與駕鈍者不同然考之前作者 其近日思得著書大是難事方將一意玩索完養深求 教謂司馬子長雖萬不欲學而諸對命意及筆勢往往 無遺憾也龐統赞論兼弱之義甚正關羽對亦穩但來 次裒集固亦無害然亦不可不思有餘不敢盡之語也 亦須待經歷之久歲月之晚然後下筆今及此暇時序 似之何耶因便並望見教 多定四庫全書 與陳正己 茂可喜第暑中不能久留耳因便切望頻寄數字盖九 識甚明而其道終不能学格遠近者只為實地欠工夫 之以不倦而已子靜經從稍款否朱丈己歸建安歲晚 耳吾兄慨然欲力踐之真斯文之福倦惟之禱唯凱終 不繁輕重然斂嗇護養自是病中所當致力也乍還膝 **某病軀凡百只如相聚時鐫喻極荷至意枯木朽株雖** 下承顏幹盡必日有新功從前賢士大夫蓋有學甚正 訪之者舊凋落尤當汲汲也趙丘吳三子皆樸

坐一室絕無琢磨之益賴此警發情情不啻饑渴也他 欽定四庫全書 祈為道義吃重 他課程亦不廢但少切磨之益耳作還侍旁當有餘樂 近見補榜知會面之日不遠為之欣然病體度夏幸無 幹盡計漸見次第先之以身該無不孚應也 近傳得張丈桂林論史數篇往往暗合人意已令三 子錄呈矣 與禁侍郎正則

來所講論細大亦略備矣內植根本乃萬事之元間範 **基哀苦日深無足言者之官既已定日跋涉良勞兩月** 會振策厲終亦無力十里之别敢以此言為錢 史工夫如此然後能可久可大 **基哀苦待盡行矣祥除追慕殊無生意年來自念已分** 静多於動踐履多於發用涵養多於講說讀經多於讀 書所宜詳閱精思而力行之若門內尚有可愧外雖 與郭養正 子子子

講者盖甚詳悉今既應物沙事步步皆是體驗處若知 害有益自此來講論者既無外誘當易見工也前歲面 已也 養克治體察工夫真知所止乃有可據依自進進不能 法語格言時時洗滌然此猶是暫時排遣要須實下存 工夫殊欠關自歲初盡罷遣習舉業者庶幾不作無益 其難而悉力反求則日益精明若畏其難而日益偷情 則向來意思悉冰銷瓦解矣習俗中易得泊沒須常以

金灯四母全書

是終身得力處誠如此也適巴面語吾友矣種種與之 猶不佳耳到官漸久想浸諳悉外物皆非可必只得自 咨論必甚有益以吾友下問之廑故及此病中不暇他 叔氣味既可親且詳練不茍前輩謂初官得長官之賢 盡其職事以聽其何如勤謹寬耐勉之足矣新宰林和 布餘惟力學自爱 所論係目詳悉足見不苟此皆所當然者若人以為異 病踰年近覺差健但去秋有悼亡之痛至今懷抱 東北十五

之類皆未熟之所致但篤信而行之不要有自矜之意 金分四月五章 相聚必極有益蓋非特坐談耳 久久則自不見其異矣他不必過慮也林宰端審朝夕 之以黙則所願望令伯有還轍之問否他惟以時自愛 無餘處矣不必更費心神惟留意實學持之以厚而守 秋聞垂翅乃所以進德修業如吾友之文用於課試盖 與軍中至乾道辛卯冬 與張知縣商卿 E.

時珍護前拜召節 别紙雖愚昧豈足對采取亦姑盡其拙誠而已他惟若 我患孕甚休甚休素情眷爱區區切有欲布陳者輔具 某迫行百冗紛然應接不暇他無足言者政聲詢然姦 音以日為歲 斯民益被實惠是所願望施從入郡當在何時傾耳車 政使或有未退聽者蓋亦自有公論惟凱母廢初心使 たこうこ 下車許時條教既孚當漸不費區處在我者既無遺憾 1.1. ्य 東菲外集

金クセス とこ 我之公 雖當攻擊縣道者茍其事理直却須右助之則人 事平心無先懷抑强扶弱之意惟視理之所在而己 大猾既擒威信自此行於一邑凡事必易然要當遇 積壓異時忽過好刻之吏一併越辨則民受大害也 誤認縱弛為恤民殊不知不及時拘催使民間拖欠 財賦當催者恐當加意督趣令整辦尋常士大夫或 前此豪猾意在搔擾縣道多端妄論人吏使縣中 服

當力遠之 言固止於智者然既立敵者衆凡涉薏以之嫌者要 有自衛州來者說吾兄當在乳婢價直間有未盡處 在抑豪强必取此迎合增節以行其私意此尤當精 而主張太過要當於吏胥姦弊上高看眼彼見吾意 能存立此固當主張也然人心易得偏恐為彼所激 在西安縣編料此必樞府使臣輩唱為此說流 3 東東外集

7

幸甚 表率多士而疎懶之性驅之於奔走酬酢之地尤非所 察之紛紛一聽之可也願益有初志使一邑終受實惠 宜益自懼耳對變關 其比者冒被除書質出推楊之賜第學淺識間不足以 **扶 題 勉復來遂旨文館皆疇昔教 誨之賜感佩曷勝第** 示論謹己禀知張丈矣竊謂當官而行內省不疾則毀 所望於門下者也改月遂行益遠屏著預深帳快 然未蒙箴規砭劑之誨殆非素

手然折放之餘飽於諳思惟培養本原使忠爱之心益 其闔户待盡無足勤記錄承聞視策在即一方凋察得 非所望於故人不敢效尤以取疎外尚幸恕察 **俾逃於戾幸甚政成化洽想綽有餘暇譽處如此豈一** 疏野之姿置於酬酢之地終非所安耳因風尚望鞭策 賢者拊摩覆護百里之幸也日來督趣旁午雖日難展 方所得久擅耶質之與論召擢在旦暮矣重番之賜殆 厚則斟酌調劑羊腸蟻封問蓋自有餘地也益遠展對 F. 77 1.71 21 2.17 1四/ 東萊外集 Ē

				臨紙悵然	人はよりとようとう
ί.					卷六

. 200

善也尚已有纖芥之善是以一清而形百濁也人必競 之過是以一濁而汗百清也人必競以為怪矣故過雖 善蓋立乎衆君子之間所見所聞皆善也茍已有纖芥 與君子居則以小過為大過與小人居則以小善為大 小而少自以為大馬立乎衆小人之間所見所聞皆不 以為萬矣故善雖小而必自以為大馬大抵士之與小 人處者其善易為故其心易足其名易彰故其心易驕 雜説 及統小其

惡哉雖自守為善而冥冥之中已為所移矣戒之哉 多欲者畏人亦多少欲者畏人亦少無所不欲者無所 長不滿六尺及崔慶之盟白刃在前毅然實育不能奪 趙文子其中退然如不勝衣其言吶吶然如不出諸其 人不遠矣於乎士之不幸而與小人處者豈必隨其為 易足者怠之本也易驕者傲之本也既怠且傲其去小 口及宋之盟談笑當東甲之變神閒氣定而不亂晏子 不畏無所欲者無所畏

金人巴尼石書

子尹子曰子知子之所以中乎列子曰知之矣關尹子曰 對日弗知也關尹子日本可退而習之三年又以報關尹 列子學射中矣請于關尹子尹子曰子知子之所以中乎 蘧伯玉有言形莫若就心莫若和雖然之二者有患就 たこりこ こころ 謂就者就而不逆也所謂和者和而不同也 蓋其法者血氣也其勇者義也 和而出且為聲為名為妖為孽此與惡人處之法也所 不欲入和不欲出形就而入且為顛為滅為崩為蹶心 東萊外集

失哉 處事既當矣少知其所以當為政既善矣必知其所以 史當自左氏至五代史依次讀則上下首尾洞然明白 學者當先治一經一經既明則諸經可觸類而長之也 至於觀其他書亦須自首至尾無失其序為善若雜然 善苟不知其所以然則雖一時之偶中安知他時之不 可美守而勿失也夫人之作文既工矣必知其所以工 列於前今日讀其書明日讀其傳習其前而忘其後

白グセろん言

善猶秦也惡猶越也勤與情猶車馬也善之與惡相去 亦遠矣驟驅小人而納之君子之域不能也驟驅君子 子救之以戈鄭師北太子復伐之鄭師大敗勇怯變於 舉其中而遺其上下未見其有成也 而納之小人之域亦不能也然使小人而勤則矯操磨 簡子右望鄭師自投于車下及戰鄭人擊簡子中有太 勇怯宣有常哉亦在夫勉之而已美衛太子蒯聩為趙 須史之間所謂勇可習也 東京外集

善者以為法不善以為戒善者以為法是見其善而從 言也一日暴之十日寒之其為善難矣哉處此者有道 士生於三代之後所見未必皆正人也所聞未必皆正 使君子而情則燕安逸豫浸忘初心不期惡而自惡矣 其善也不善者以為戒是因其不善而知其善也在人 故情者適惡之車馬也學者審其御而已矣 厲氣質之移不期善而自善矣故勤者適善之車馬也 者雖有善不善之殊在我者一歸於善而已矣如此則 金と人とたるる 卷六

得哉 禮曰居山以魚鼈為禮居澤以鹿豕為禮君子謂之不 在山而待魚鼈以為禮是禮有待於外也非隨處而足 足也在山則禮足於山在澤則禮足於澤在貧賤則 知禮夫禮者理也理無物而不備故禮亦無時而不 足於貧賤在富貴則禮足於當貴隨處皆足而無待 所遇之人無非碩師所聽之言無非法語何入而不自 欠こりき ことう)在澤而待鹿豕以為禮是禮有待於外也非隨處而 東菜外集 克

宣王當大旱之際夜觀星泉惻然有爱於中而百姓便 知宣王之見憂仍叔因此作詩後之人雖有宣王之憂 而民莫之知何也盖緣周之時法度修備人才務實就 足以自見必臨事然後可自見為足知此理哉 召虎輩便是實材人君一有此心則上下相應百度有二便是法度方人君一有此心則上下相應百度 彼謂小官不足以行志必官達然後可行志問居不 舉自然天下知之玩百姓見憂四字甚有味 門人周公謹介所記

蓝 忠信所以進德忠信是樸實即是種子有此種則德日 是修辭此便立其誠 見利思義見危授命須是當見時便思便授過後則無 以左右民不使之在左在右輔助之歸於中 こうこう 辭立其誠凡人須是誠實若有此實便發此言此即 制喪禮父三年母恭非重父而輕母須識得乾 ---東起小漢 Ē

是如此 之義大哉乾元至哉坤元受氣者天成形者地其義自 乾聖人之事業坤賢人之事業坤是做工夫處 金少四四百百 以後亦如此此只論二南 子靜曰關睢是后如之全德餘篇皆指一事說自鵲巢 版籍是天下大事不可不知 出來 看欲以師事有若一段見得當時孔門中不自相標題 83 卷六

周禮 身國亦從之政坐此耳 大凡為人須識綱目辭氣是綱言事是目言事雖正辭 空之官主之 告子貢可見後來子貢反築室於場一段亦可見 何謂三綱舉其綱萬目自張人君既正於上則百官兆 氣不和亦無益自古亂亡之國非無敢言之臣既殺其 とこうこ 孔子當時見顏子死教子貢亦甚切觀其不以衆人 書其財皆有所主獨養士財用不言想只是司 2.1.7 東軍外果 E. 〈事

此說亦好 皆自正於下 姓皆舉於下父既正於上則嫡庶皆舉於下如夫為婦 禹稷思天下餞弱由已餞弱孔子歷聘諸國以至誨 必先斯四者范淳夫説如人之身易受風須多著衣服 不倦皆是合當做事自古聖人之於天下皆如此惟 嬪二十七世婦八十一御妻天子既正於上則后夫人 綱在庶人則一妻一妾以天子言之則一后三夫人九

毋泄地氣是八家一井不多置井 間 春夏出就田廬冬間入城郭不比今時去城郭遠甚小 奉順天德是總前天地之大德日生之意 取士於田野取其民之秀者以其質樸故也 日堡其次日邑又其次日都自堡邑城郭不過二三里 田之制士與兵國之重事皆取於農工商不與古者 出皆反聖人之道便已則從害人則不恤

宣王小雅始於六月大雅始於雲漢二詩相表裏想雲 宣王方立想宣王在此十四年豈不下工夫若不如是 漢在前六月在後或日宣王初問如此之銳而後來至 宣王不是不學 王之死當時大臣雖欲立宣王而不敢至共和十四年 無道民心怨怒至欲殺其子而召康公殺其子以代宣 有白駒黃鳥之刺曰此非是不學只是做不到底厲王 旦出來如何便得天下喜於王化之復行以此見得

金分四月五十

and the same of th

讀詩不要思量過當須識得當時意 義又要研窮如不以文害解不以解害意是看大義研 司馬遷有變風變雅意惜乎無正風意 後生看先儒議論則養得厚先儒議 編詩不去人姓名正欲令人見元初說看詩先要看大 而勿正此本是趙岐説後生却謂伊川創出此說今所 學者多不要看先儒議論如至大至剛以直必有事馬 究時却須子細看 注論

陸教授為人慈祥誠實所謂吉士 源流本自春漢問事秦則守監漢則刺史刺史即今監 金分四月在書 李迂仲說鄭風是淫亂詩不然孔子告顏子以為邦乃 官次理會王宫一門 律惟隋時理會得子細唐時因之本朝即用隋律方鎮 聖人治天下之規募與後世做箇樣子尚說放鄭聲 周禮自横渠始開門户先叙官以歷代較看次看前三 司之類其後以為州收權始重

問人須是就實做工夫處商量方是 泉理所聚今學者病多在間邊問人路頭尚不知大率 工夫却随節次做去漸漸行得一節又問一節方能見 王肇基王迹王季其勤王家盖王紫始於大王王季若 追王大王王李記謂不以卑臨尊此意恐錯武成言大 其子為王父為百姓豈可不以父為尊 大抵為學須先識得大綱模樣使志趣常在這裏到做

或人間中庸鬼神一 孝弟忠信此亦非兩事且如人遠去家至深山廣谷之 或問教小兒以何為先日先教以恭謹不輕忽不躓 峯見之怒其僕因曰何為不言答曰旅瑣 中而不敢為不孝不弟者何頹是識得此 侯師聖避盜胡五峯庵中其僕厭久以沙和飯一日五 汪端明與人言事或人雜之以他事至終必卒其言乃 一章曰後生未要理會此且須理會

多灰匹库全書

讀書乃餘事今之有姿質者父兄便教以科舉之文 害只如教小兒自其發蒙時便須教之以正曲禮言幼 士大夫學術須正一或不正往往操履皆邪其為害不 止及其身殊可畏也士大夫熟不自以為正奈何其始 子常視母誑亦此理 辨之不明講之不詳得其形迹執而不化遂有終身之 小躐等皆緣父兄無識見至有以得一第便為成了

讀書有思索人往往不茍不曾讀書與曾讀書識理趣 告之以非禮勿視非禮勿聽非禮勿言非禮勿動惟勿 知其為小人便以小人待之則我先為小人矣 者觀其所為便可見 顏子問仁孔子獨告之以克已復禮與告他人略不同 凡看古人書用得處便是自家行處 金片四母全巷 顏子欲知下手處便請問其目此顏子善問者也孔子 **堯舜通其變使民不倦只是晚事** 卷六

學者不可起長獎之聲此意思最易得斷續某與公相 聚許時何皆有此 此道唯仁一字爾 後世用兵者以為黃石一書無與比者不知黄石公未 出之前三代之兵一舉而無敵於天下兵書何在黄石 禁止亦不得 字最要體認四者之中勿聽尤難非是用功之深臨時 てこうこと ここう 秘法在人間人自不識三代之得天下亦不過 東京外集

純儒此說亦甚深長千五百年無孔子盡因通變老優 多好四样全書 逃墨必歸於楊逃楊必歸於儒蓋墨者泛而無統必至 看周禮須先看敘官先錄歷代百官志及本朝官制 教小兒當以正不可便使之情實日開 儒者當通世務只緣近來儒者要通世務又却不能為 於楊吝嗇而後可近道 已亥秋所記新居對諸生說

亦必制 讀書須下大工夫久後必有所見 經須逐字看 後唐莊宗入汴志便滿者何故日但 侯景之亂雖無朱异梁亦必亡觀其後嗣之所為其終 及吳又是最後出 久己可言 江丁 看三百篇之義便了吳楚無詩亦是當時王教之所不 正義說吳楚僭亂所以不列於詩亦不須如此看只須 東郊外集 一將耳 き

問人之格局卑者不知能進否曰中人以下固不可語 坤其易之門 問詩之有周南召南猶易之有乾坤不知是取其坤有 承乾之義否曰固是亦不止如此 問召乃詩之綱領乾 所見 久亦自有見又問必有所見然後能立否曰人之初學 豈能一一自有所見須去下工夫工夫既深且久乃有 一然如人坐暗室久必自明若人果有志積以歳月之 人と言

此理 當時三詩並歌 **笤單卷耳皆是做工夫處關睢是成德處三詩當合看** 問能同心叶力曰此只看有朋自遠方來一 問人或堅意為善或阨於困苦今時又不及昔人朋友 自古至說命方說學 三代詩書多說天見得天人之際相近秦漢以下不識 人不知而不愠然後完備老子說知我此已自說得 たこうここ 東萊外集 節須是看

讀書其解雖多要處亦少如論語說古之學者為已今 此處最要識 精何嘗一 **閥睢女曰鷄鳴大小雖不同其意則** 已後治人此通内外之道 之學者為人孟子說明於庶物尚書惟學遜志務時敏 天下事何嘗一件不是學如百工技藝皆是學惟學故 天下只有兩件事君子振民育德先育德後振民先修 自りである言

終之日是完是圖直其然子 須泥識得此三百篇不過如此 如后妃之詩鳥獸草木皆有其意只在后妃其他更不 こうこここう 入立基址須是堅實既堅實須是要充擴所謂士不 **青如與人交游不必事事要如他與之熏習久必自** 篇非真實是完是圖豈能識兄弟之情如此故 東京外集

方到 後學讀書未曾識得目前大畧便要說性命此極是害 讀詩必如三復白圭方是有味若是明敏人不如此看 注中須是字字考始得 學者多舉伊川語云漢儒泥傳注伊川亦未曾令學者 事為學自有等級先儒至說性命不知曾下幾年工夫 看有孤詩如居一鄉預關一鄉之情 廢傳注近時多忽傳注而求新說此極害事後生於傳

金にノセスという

是也且就一篇論之大處如升彼虚矣景山與京是也 看詩有三節如看衛文公之詩須知衛之典讀王泰離 淺深而有所見也 之詩須知周之亡其氣象可知大處既看小處亦當看 河間王讀書皆務實非他不能用毛公 亦無所補若是至鈍人能如此看雖然有淡薄處亦 小處如降觀于桑是也此是讀詩之法或有一篇之中 如定之方中及黍離是也小處是一篇之中訓故 東東小果 四十

詩之體不同亦如今人作文亦有文意甚易晚者如免 吟咏諷道當時事情可想而知 取一句者如孔子觀木瓜之詩而知苞直之行是也 金少口是百量 與有孤不同大凡陳古刺令之詩全是要人看 爰是也有意在言外者碩人清人之類是也碩人詩無 看詩即是史史乃是實事如詩甚是有精神抑揚高下 人可知矣如中谷有推全是意見當時人君不能保民 不見谷意但則美族氏之盛容貌之美車服之華則其

亦有意 離經是分文辨志是求義不必深遠說此只是看文義 士自後變而為商家 戰國今人皆不識自春秋以來亦是一節通監自此入 蕭何治未央但欲高帝安於此不欲之他爾要之創業 秋只有燕一國又僻陋戰國之時正如一 箇人家初為 戰國有七雄皆非古之諸侯四國是篡臣秦楚又是夷 心解即熟 文との Later Total 東築外集 罕

典是堯舜夏商之典周公制此一書盖欲整齊天下 天官總許多宿衛地官載許多圖籍此二官所以大也 關中是形勢之地洛是都會之中欲据形勢須都關中 之君自當以儉為先何慮不及此也 看周禮政如看一株樹其他皆分枝布葉 **欲施政令須都洛** 君固不如紂之甚衛之小人亦未至若紂時之甚然衛 看柏舟詩須合尚書微子篇看方知得仁人之心衛之

問趙仲長不說衆人所說之話何謂衆人所說之話曰 時之畫其力乃在第三指所以改不得 共扶持有説話處 之仁人只是一人全無可同心者微子猶有三人可以 唐時有畫鍾馗第三指襟一 馬遷能克已可勝仲舒莊周能克已可勝首子 工持去數日後乃自畫第二指禁之問何不改對曰前 化三丁三二二 /俸厚西邊俸蒋之類耳 東敦外集 小鬼或人命畫工改之

周禮 或曰定公十年夾谷之會夫子亦可謂得用至十三 内政當作兩節看始初管仲但依周制作鄉遂將成之 可見 際為桓公惟趨得緊所以作內政自奇變為耦看國語 侯世世襲爵長是畿内諸侯世世受采地 自りせんと言 祖教漆雕開仕不曾教顏閔此處當看 曰牧以地得民二曰長以貴得民牧是畿外 **唐子所記是年** 白越來幾一月春撫州陸子壽

自古以來雖經太康之亂三代之季只是一變其罪皆 後可對曰人材須是他務實方得然後逐一節移去 因其勢而為之凡事亦不可遽為當時諸侯治一國猶 たとうら となっ 道使亦其一或曰此在得人上須是陰培養得人才然 近而易為今則難對日只要知大條目姚崇所謂擇十 亦自未見得以此見得天下之事不易做而今天下只 亦自費力當時夫子不因齊人歸女樂去魯時此一家 能感動得二家職其城尚有一家未職据左傳見聽費 東郊外作

|或曰天地只是和氣尹和靖為人極和粹後愈和 出來 光武罷郡縣材官等事其識見與秦皇相去不遠 光武治天下規摹不及高帝其禮嚴光用卓茂所以養 由商君雖漢文帝唐太宗出來扶持天下然此骨子 得後來許多名節 存古制及張説方壞盡兩稅壞於楊炎自然有此等, 不換得井田最先壞其次封建其他亦未盡壞府兵尚

自りじん さき

卷六

道皆有規模 孔子言王道曰道十乘之國敬事而信節用而愛人使 好 及為相半年而死志遂不及施唐時如陸對楊紹論治 民以時孟子言王道須說五畝之田八口之家及材木 楊綰為吏部欲去科舉後世皆以為不可但未之知耳 不可勝用之類何故須說許多以此見得春秋時井田 顏真卿雖不甚得講貫其議論亦活如論封號一事亦

金好四月五十 尚在戰國時已自大故廢須要人整頓如史記說決裂 為人細碎則大體處多失雖諸葛亦有此忠 阡陌以靜天下之業又以此見得井田亦不易廢 日只是無本領介問何謂無本領日者實工夫便是本 劉執中初間不屈王介甫後為王介甫用此是如何或 宗果嘗口聰明人有三斗昏 領禁公好龍見真龍至便驚相似學者亦多坐此患不



